

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Epistolarvm [epistolarum] D. Philippi Melanchthonis
Farrago**

Melanchthon, Philipp

Basileae, 1565

VD16 -M3220

Clarissimo uiro, D.Paulo Ebero, fratri suo charissimo [...]

[urn:nbn:de:bsz:31-312770](#)

angustiora apud eos, qui liberalitatem exercere cōpiunt. Bene uale.

Clarissimo uiro, D. Paulo Ebero, fratri
suo charissimo, *λαον μηδεσόφων*,

I, 137.

S. D.

Philosophiam apum tibi mitto, cuius confide-
ratio & ipso melle dulcior, & illustre testimoniu-
m est, hunc mundum non extitisse casu, ex Democriti
atomis. Inuocemus igitur uerum illum architectum
pulcherrimorum naturae operum, & Ecclesie con-
ditorem, patrem eternum Domini nostri Iesu Chri-
sti, ut & Ecclesiae suae alueulos & nostra examina
defendat & seruet. Meus magister, qui me de apib-
us docet, te orat, ut mecum in ipsam Academiam
apum uenias. Iosepho dialecticas pagellas mitio: &
puto paginam, quam habet in manibus, compleri
posse προσθίνω. Da operam, ut totū opus reliquū
condiatur illecebris: ut sicut apiculae melissa inui-
tantur, ita nos iuuentutem inuitemus suaibus ma-
terijs. Scriptū ad Bohemos absoluā intra bidū: de-
inde Synodi refutationem inchoabo. Decreui enim
testimonia in hac iurā certaminū edere, de
rebus ueris & necessarijs, Deo iuuante, uel si iam
tyranni ferirent meam ceruicem. nec me deterret
amici nostri Ioachimi solitudo: cui quidē opto ut
sit beatus, & tranquillitate studiorum fruatur. Nos

fi

Hiam taceremus, deseruisse et abiecisse causam necessariam iudicaremus. Sed in ipsis controversiis sunt quedam, de quibus cuperem cum amicis colloquit Mitto Synodi orationes: in quibus et illa est, quam Vitus coepit excudere, que ex hoc archetypo absolui poterit. Et addemus querelam nigrigenitae apud Seruestam, Die 26 Martij, quo ante annos 1514. filius Dei in sepulchro fuit. 1547.

Historia apum.

Initio ueris circa aequinoctium eximuntur ex aliis mella superiore aestate facta. Nam in his regionibus, quicquid est mellis in aestate factum, totum relinquitur in aliis in hyeme. Alibi pars eximitur. Sed dicunt, apes spoliatas tristiores fieri. Ideo hic totum eis relinquitur, ut integro suo labore frumentos, in hyeme minus sint solliciti. Exempto melle, quia domunculae in eximendo lacerantur, prius labor est cellulas reficere, ad quod ceras tunc faciunt. Domibus resectis, adserunt rorem: cui incubantes, nouam sobolem gignunt: quia multe perirent uarijs malis. Curam igitur quotannis habent generis constituendi. Postea nouas cellulas consti-
tuunt, et noua domicilia educunt, et colonias faciunt. Quartò, in Maio florescentibus pomis colligunt dulcē succum. hic primum incipit mellifica-
tio.